

故宮
珍本
纂刊

定軒存稿·芳洲文集

等四種
第一冊
共二冊



故宮博物院編 海南出版社

故宮珍本叢刊第 535 冊明代詩文別集

故宮博物院編

喻氏疏議詩文稿 定軒存稿

芳洲詩文集 芳洲先生年譜

第一冊（共二冊）

海南出版社

圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社, 2000. 10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I. 大… II. 成… III. 文學-作品綜合集-中國-明代 IV. Z121.7

中國版本圖書館 CIP 數據核字(1999)第 68755 號

故宮珍本叢刊第 535 冊

明代詩文別集

喻氏疏議詩文稿 定軒存稿 芳洲詩文集 芳洲先生年譜

第一冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:24.5 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

銓垣疏稿目錄卷之一

吏科給事東越喻安性題稿

培養人才疏

鉅瑞亂政疏

一疏給假

二疏給假

三疏給假

四疏給假

五疏給假

銓垣疏稿
目錄

六疏給假

七疏給假

八疏給假

九疏乞罷

十疏乞罷

十一疏乞放

新命辭疏

新命再辭疏

銓垣疏稿

培養人才疏

題爲人才培養不預老成彫謝堪憂懇乞

聖明及時延攬以濟急用以計安

宗社生靈事臣聞爲國計者樹人爲家計者樹木夫

樹木者起於善蒔長於拱把成於參霄其善蒔

也僅足以供烹飪其拱把也僅足以供榱桷至

於參霄則棟明堂梁清廟此豈朝多之故哉則

主人之所以栽培之者預也頃見會推冢宰中

銓垣疏稿

丞及摠督諸大僚或一人而當數推或數推而

共一人及至奉

旨再推則相顧拊髀莫知所措豈

熙明全盛之世遂寥寥若此耶臣竊竊焉故已蓋

人才盛衰原以用舍爲消長故聚於朝也忽見

以爲盛而散於野也輒蕭條寂寞而國若空虛

方今賢才之散於野者不爲不多矣有恬澹寡

營道德自命而不屑屑依人以就功名者有長

駕遠馭經濟自豪而或以小受不足展其宏鉅

者有慷慨憂時直言觸忌遂致淪落損棄一去而不復

賜環者人才幾何而能當此銷落人世幾何而能堪

此沉淪無惑乎散於野者老死而不得用而聚

於

朝者亦老死而不得休猝然有事不過就其中朝

三暮四通彼缺此苟且支吾以塗目前而已此

豈巖穴諸賢年齒未高涵養未粹閱歷未深謀

猷未練尚不足與三五公卿相後先哉則亦以

銓垣疏稿

二

其父遭閑曠伏處下僚或以藩臬或以郎官或

削籍編戍未能越資躋等驥與

廷推耳向使能用於十年之前則總督諸僚不可

勝用也能用於二十年之前即冢宰中丞亦不

可勝用也惟是養之不蚤以致用之無及爲今

之計惟有大破拘攣廣搜佚才庶其有濟乎所

謂廣搜之術臣聞之先輩當事者袖囊楮牘隨

地而諮隨人而諮某也憲才某也邊才某也撫

綏才某也衡鑑才某也黜黜才某也綜覈才某

也分猷佐理之才某也摠率統均之才無不筆

載矚列拔置左右一旦事至若探囊取物隨求

隨應則以辨之者素蓄之者預試之者熟以故

若然應解曾不爲意臣不暇遠舉即

武宗朝亂逆蜂起

宗社幾危乃先臣王守仁起自龍場不踰時而授以

節鉞假以便宜拓土誅殘功施

廟祏則以有王瓊之素知蚤計預爲之地而

武廟遂得享培養之利也今天下難謂學文成者之

銓垣疏稿

三

盡無其人誠得延攬推轂如瓊者以應

明命又得

當宁捐成心息疑慮以信瓊者信之則凡茲遺佚羣

才無不次第升庸三年間老成不布列大僚不

充盈臣不信也語云七年之病求三年之艾求

之此其時已伏惟

聖明虛懷採納即

勅該部洞開重門廣諏博訪嫌可以無避怨可以不

辭參酌不可不詳主持不可不定資格不宜太

拘才局不宜求備推用之目不宜太隘促請之
 疏不宜太疎庶幾衆思畢集羣賢彙征此預養
 之說而爲當事之所急宜講求者也若夫臨渴
 掘井愚者知咍遭蹶躊躇何如速走并懇
 聖明將見推諸臣一時點用大通則小通內通則外
 通羣賢盡聚於

朝誰復消散於野此又急則治標之說不過

皇上一動念間而人才吏治渙然宣暢將

宗社生靈靡不是藉有餘休矣今天下眷眷多事惟

銓垣疏稿

四

此用人一節乃爲喫緊第一義臣叨備吏垣尤

爲職掌故忘其迂陋而效是懷款也

鉅璫亂政疏

題爲揆地廢弛鉅璫亂政懇乞

聖明蚤見預防以消

官府隱禍事臣觀奄豎之禍人家國也皆起於狼

貪驚憚輔以虎翼猴冠而投間抵隙每當政本

廢弛官府睽隔之日故王振貽禍

宗社鼎沸十年其初一楊文貞輩坐制之而自足汪

直流毒指紳舉朝短氣其初一商文毅輩監削
 之而有餘今

聖躬深處內外釜鬻則閣臣之所以求通二線於

君側者勢且乞靈於司禮夫以閣臣而乞靈於司禮

則司禮反得坐制監削乎閣臣而閣臣之政於

是爲司禮用如此欲司禮之不肆虐亂政以贖

害於天下國家者未之有也若今司禮監太監

成敬者可患焉夫敬一丁不識藉羣翼以張鷟

三窟是營翕衆流而填壑視稅監爲莊田而高

銓垣疏稿

五

宋張燁輩之進奉幾同

御前之孝順則此金珠錯落疇非取償於細氓目營

繕爲外府而陳永壽等之羶聚侵牟無不摠歸

於尾閭則此千萬漏卮孰非漁獵乎公帑郝發

一苞三蘂橫行

輦轂業已事發伏辜乃入其房園數萬之賄駕言

直

膳凌奪刑官則藐王法如弁髦已高淮茶毒弄兵

激變遼左業已奉

旨奏處乃納其金幣貂參之賂縱飲盤餐歡呼

內地則欺

明旨如兒戲已文職銓除民瘼倏倏乃與

文書房肆行囑托上缺二三千中缺一二千下亦

不減七八百金計每月陞選便可得銀數萬且

皇上於文吏除目多緩下以示慎而不知羣瑄卽乘

緩以作威是銓政之亂固宿弊多端而司禮實

潰其防也武將推用疆圉攸關乃廣招債帥遇

缺卽營摠戎三四千參遊一二千守把亦不減

銓垣疏稿

六

八九百金通歲邀脇奚啻數十萬兩且

皇上於武弁推疏每速報以示重而不知羣瑄卽乘

速以市恩是樞政之亂固身自叢穢而司禮亦

借之端也若近日驚駭聽聞者尤在

欽選子弟一節此

宮闈何等吉事

朝廷何等典禮乃亦不忘市心暗索顧商萬金及

貓睛珎瑒之餽一時兄弟竝膺竝選幸

聖明慧目獨有所簡不然何以塗街衢之榜帖而塞

羣疑之口夫敬掌隘未及一年且當

英主嚴察之下輒敢欺肆胡行矧從此

靜攝日久厭倦潛滋煬燭蔽明將有東西易面而不

自覺者臣竊爲

君側危之也曩輔臣親詣

宮門請謁司禮未知其所欲乞者何事乃機卽傳

諭

宮門何地非奉

宣召何敢至此今左右呵斥以出卽此凌辱紳勢

銓垣疏稿

七

已煙灼矧今按地以支離狼狽之身當指摘叢

加之日身辱望輕益無忌憚且去者旣不成其

爲去則任者亦不成其爲任耽延委頓利歸漁

人將有日就旁落而莫可挽回者臣竊爲政本

危之也方今災民窮內黷虜逼外營苦無兵帑

苦無餉勢已岌岌再添權璫侵政以行賕婪染

之吏而牧災民以賄通資剝之將而禦驕虜又

大縱磨牙吮血之羣瑄以侵冒乎極疲極耗之

軍與餉是傳火以膏趣之使烈天下事尚忍言

哉臣竊爲

宗社生靈危之也昔王振汪直初亦涓涓易與者工
考功郎李茂弘卽上言嗾隔蒙蔽當有意外之
虞省臣孫博亦請裁抑西廠以剪禍蔓當時人
亦以爲私憂過計卒之二豎滔天取符若券今
臣亦竊附於二臣之義不避齒馬伏惟

聖明大賜乾斷將敬嚴譴或

念其罪惡未盈姑置閒曠以全其終并乞速

勅二三輔臣義當引去者決於去毋優游養亂以貽

銓垣疏稿

人

禍於後人義當直任者決於任毋謙讓未遑以
坐失乎事竅庶幾政本肅清制馭有道將旁落
可杜而隱禍亦可消矣

一疏給假

奏爲比例懇

恩給假送子還鄉事臣係浙江紹興府嵊縣人由萬
曆二十六年進士除授江西南昌府推官陞補
禮部祠祭清吏司主事叨蒙

聖恩於今年八月選授今職臣竊念一介草茅遭時

遇

主拔置耳目卽捐竭頂踵靡可云報惟是臣有迫切
苦情不得不哀鳴於

君父之前者臣妻於前歲病故京邸遺有幼子撫字
無人奄奄垂斃頃接家報寡母在堂日夜懸念
盼歸視之未旋傷幼孫之失恃倚閭腸斷望眼
欲穿臣一見之倍增悽惻伏睹

大明會典有官員妻故送幼子還鄉之例及查萬曆
二十一年刑科給事中盧明詠二十二年工科

銓垣疏稿

九

右給事中徐觀瀾俱因妻故給假送子蒙

恩允放今臣事體正與相同又查得京官給假皆掌
篆者代爲奏

昧哀陳伏乞

聖慈垂憫

命下吏部查例題覆庶臣得挈幼携親歸慰寡母臣
之一家將世世啣結

高厚於無窮矣

二疏給假

奏爲比例再懇

天恩給假送子還鄉事臣因妻喪子幼於前月三十

五日具疏乞

恩給假送子候

命將旬未蒙

批發臣若少可需忍豈敢復瀆

大聽惟是稚子失母晝夜哀號如黃口鷄雛啾啾嗷

惻矧鄉關繚繞旅視未旋寡母憂懸兩地悲切

銓垣疏稿

臣卽欲少延時日而情已不能復忍矣且先年

科臣盧明詠徐觀瀾俱蒙

聖慈允放此固

會典見行之事例而亦

陛下常施之雨露也伏惟

俯垂憐憫

命下吏部查例題覆俾臣得蚤歸一日其全活於母

子老幼之間者

洪恩不啻再造之矣

三疏給假

奏爲妻喪子幼比例屢陳懇乞

聖慈垂憐允假事臣於旬日之間乞假送子疏且三

上矣臣小臣也何敢以私情煩瀆

天聽惟是家庭骨肉之間死生離合之際最關隱痛

矧時直沍寒幼子啼號於雪夜妻棺暴露於荒

郊兼以寡母憂思近且以脾傷洩瀉來告心非

鐵石焉能久需爲此瀝血再懇伏惟

聖明廣推慈孝

銓垣疏稿

恤此苦情

命下該部照例題覆

蚤賜允放臣一家老幼存歿不翅生死而肉骨之矣

四疏給假

奏爲歲序將終苦情轉劇懇乞

聖慈垂憐允假以全一家老幼事臣因妻喪子幼寡

母悲傷連疏乞假比例

上請實出於至情之所不容已亦迫於時勢之所不

容緩者今歲聿云暮而此離如故兩地向隅對

時增涕

皇上固治天下以孝寧忍倚閭孤腸斷之母亦教天

下以慈寧忍牽衣絕殘喘之兒情迫辭窮願

天日急伏祈

聖明蚤發慈悲

命下該部照例題放臣即不能效犬馬於

明時亦將戴高履厚與臣之老幼共祝

聖壽於無疆矣

五疏給假

銓垣疏稿

十二

奏為陽和布德孤寡宜先懇乞

聖慈照例允假以哀輦獨以暢

皇仁事臣惟春和景明即勾萌卵翼皆有欣合之象

獨旅襯遊魂飄泊長夜失哺穉子呱泣猶鵲此

先王發政施仁必於療寡孤獨尤惓惓者誠見

及此也臣之妻喪暴露幼子顛連重以寡母在

堂憂懷成疾身各羈於一方神互馳於兩地一

旦卧病及臣臣之一家休矣夫以

皇上視小臣一家奚啻螻蟻之自為聚散第叨居

禁近屢號未聞反勾萌卵翼之不若似於

聖明如春之德亦有壅闕不及之處已又豈

慈仁之所忍哉况先年盧明詠徐觀瀾皆科臣也皆

皇上隨懇而隨允者也伏祈

聖明一視同仁

勅下該部照例題放臣與一家老幼共祝

聖壽於萬萬春不替矣

六疏給假

奏為幼子堪憐母病轉劇瀝血哀懇

銓垣疏稿

十三

天恩亟

賜允假事臣因妻喪子幼童以寡母在家憂傷成疾

乞假之疏凡六

上矣頃接家報母憂滋切母病滋深思慮傷脾泄瀉

不止望臣之歸以日為歲臣聞言眩暈莫知所

措情極勢窮萬不得已先將妻棺昇致水濱伏

思君臣之義無所于逃而進退之節宜得其正

故臣復忍痛以待為此迫切籲

天恩

賜允放庶幾予奪出自

朝廷而微臣之分義與夫妻子母之至情亦各得少

循於萬一矣

七疏給假

奏爲情苦辭窮懇乞

聖慈亟賜允假事臣以幼子累身寡母繫念乞假業

七疏候

命亦歷三時諸司之援例

上請者靡不隨乞隨

銓垣疏稿

十四

允獨於微臣叫號置若罔聞豈

聖明於此疑臣之有所托而逃耶臣實非然也臣自

妻喪以來無日不爲歸計祗緣考選候

命當事者不便題覆遂致羈留今前局既結時可去

勢當去而臣之精神意氣又久矣先去

皇上卽不允臣之去何益哉臣仰窺

聖意夫亦爲去者任其自去去之不已則無所不去

吾何必驅其去乞者任其自乞乞之不已則終

亦不俟

命而去吾又何必允其乞如此則人臣之去國止有

逃之一路而

皇上解網之恩亦止開逃之一面其於

一國家與奪之權臣子進退之節俱消落無存臣竊

不忍見之已臣是以不避激瀆瀝誠再懇伏祈

聖慈速賜允放俾臣得遂其去且又得遂其去之正

庶幾公義私情兩無遺憾矣

八疏給假

奏爲仰體

銓垣疏稿

十五

明旨補牘乞假以便批發事臣之乞假以妻喪子幼

故也臣之急於乞假以寡母憂傷成疾勢不容

緩故也頃

聖慈有少待檢發之諭臣不勝欣慰蓋

皇上從未有失信於臣下者以爲檢發則必檢發矣

以爲少待則僅少待矣今候

命又已二旬待之者不爲少矣豈檢之者猶未周與

臣又不勝疑懼臣伏思小臣私苦何敢動煩

聖慮不過補牘再請

皇上卽臣此疏慨然一批固無事檢查且朝上夕

亦無庸少待矣爲此瀝血哀控伏祈

聖慈立賜批發臣一家老幼生者祝釐死者祈結臣卽委填溝壑壹忘報也

九疏乞罷

奏爲九疏乞假未蒙

允放懇祈

聖明直賜罷黜以全一家微命事臣遭內變以來幼

子累身寡母繫念乞假辭窮

銓垣疏稿

十六

檢發無日臣惟對影相吊飲泣自傷而已頃接邸報

吏部復有方面之推或亦亮臣欲去無門開此

一路稍爲曲全之計臣不勝欣躍惟是在內在

外境雖變遷念子念母情終難割儻旦暮拜

命彼時小臣又多一番控辭卽該部亦多一番題覆

地方亦多幾時缺官是臣以一身之私累該部

累地方而重以自累臣實滋懼茲不敢復以假

請惟祈

聖慈憫念途窮

直賜一罷令臣得蚤歸一日臣願畢已

十疏乞罷

奏爲孤臣去路已窮控辭已竭惟祈

聖明蚤賜罷黜事臣屢疏乞假者苦於情也乞假不

得改而乞罷者窮於勢也今乞罷又不可得豈

皇上疑臣之是非猶未明罪案猶未定故爲是遲留

顧惜不忍置之一割耶臣以爲臣之是非則最

易明者臣止於初入垣時糾戢大璫一疏

皇上以爲可罪則罪之可原則原之原之則縱之使

銓垣疏稿

十七

去臣之幸也罪之則譴之使去亦臣之幸也撫

之臣惟有一去而臣事畢已

皇上亦惟斥臣一去而處臣之事亦畢已臣作養於

聖明受教於師友有日故進退得喪之際蚤已自裁

惟

皇上立賜一罷臣去有餘適矣頻瀆

威嚴極知激聒義無所逃情非得已伏祈

聖慈特垂憫卹臣無任惶悚待

命之至

十一疏乞放

奏爲困苦經年懇乞

聖慈立賜矜放事臣以去秋入垣未幾援妻喪于幼

例累牘乞歸杳無

批發經今又復秋矣近接家報寡母憂懷成疾日甚

一日臣心滋戚臣亦極知

皇上最厭激聒且曩有少待

檢發之諭必不失信於臣下惟是舐犢之私未遂而

烏哺之念轉增時極勢窮不能復忍矧

銓垣疏稿

十八

聖壽在邇大小臣工將舞蹈班行爲

君父祝萬年壽乃臣獨抱向隅輒以不祥之語塵竇

天聽彼時犬馬之心亦有所不安故乘此日瀝血哀

懇伏祈

聖慈蚤賜允放臣猶得扶老挈幼於深山窮谷之中

效

薦視於永永也

新命辭疏

奏爲舊病轉添

新命難赴懇乞

聖慈俯容休致事臣係浙江紹興府嵊縣人由萬曆

二十六年進士除授江西南昌府推官三十三

年陞補禮部祠祭清吏司主事三十六年選改

吏科給事中隨於三十七年九月推補廣東按

察司兵備僉事叨荷

聖恩洊歷清職臣自分迂疎不能從容諷議以效繩

匡於

禁掖猶覩馳驅外服飭武綏民以少報

銓垣疏稿

十九

主恩於萬一此微臣之真心絕無一毫緣飾者也不

虞量溢災生妻喪身病去秋臥床三月幾不可

抹入春勉強登舟沿途調理乃濕熱薰蒸風波

驚悸神枯形槁病且日深乘便過家僵臥難起

卽今手足麻痺就道無日延醫錢權等診視咸

謂憂勞積損非離塵靜養未得痊可臣伏查

大明會典患病官員例准休致見今方面援例乞

請者益無歲無之臣之事體實與相同爲此瀝

血控辭伏祈

聖明憐此苦情

勅下該部照例

題覆准臣休致倘從此殘喘少延臣卽不得效犬

馬於疆場猶思戴

高履厚與黃童白叟歌詠

聖化於丘壑也

新命再辭疏

奏爲舊疾未痊再懇

聖慈俯容休致事臣以禮部主事叨選吏科給事中

銓垣疏稿

二十一

於去冬復陞廣東兵備僉事時方臥病直至今

春方能陞辭扶掖登舟意得沿途調理再效馳

驅不虞自春歷夏濕熱薰蒸病體轉甚業於六

月間膏肓乞休未蒙

批發倘情氣稍復就道有時臣亦勉強趨

命以報

聖主不終棄之恩無奈

王程已迫痊可無期不得不瀝血控辭再爲哀懇

伏乞

聖慈憐憫苦情

勅下該部照例題覆准臣休致臣卽沒齒丘壑將所

結

高厚永永不替已遠瀆

天威臣無任惶悚待

命之至

銓垣疏稿

二十一

撫薊疏稿目錄卷之二

順天巡撫東越喻安性題稿

恭報到任疏

免借民兵餉銀疏

捐俸助餉疏

催補密雲道疏

亟處援兵闖殺疏

畿輔特免加派疏

禁止遼縣枉道疏

撫薊疏稿 目錄

究處援兵潛逃疏

禁止瑞臨差催收稅疏

甄別將領疏

議薦將材疏

嚴處楚兵續逃疏

恭慰疏

催請急發軍餉疏

請免順永加派疏

究處毛兵脫逃拒殺疏

議喜峯增兵加餉疏

亟撤採鮮中使疏

就近推補監司疏

恭謝欽賞疏

亟止遼左調將疏

軍政考選疏

亟發薊餉以救危疆疏

亟究陵監率衆挾賞疏

分別皇賞疏

撫薊疏稿 目錄

循例乞請祭典疏

辯明虎酋挾賞疏

撫薊疏稿

恭報到任疏

題爲到任事臣原任密雲道兵備按察使萬曆四

十八年三月初一日准吏部咨爲缺官事該本

部等衙門會推題奉

聖旨諭 陸都察院右僉都御史整飭薊州等處

邊備兼巡撫順天等府地方寫勅與他欽此備咨

到臣又據薊州道兵備右叅政邵可立呈送前

任撫臣劉 交付看管

撫薊疏稿

符驗一道

令旗令牌八面副關防一顆并吏書文卷前來臣恭

設香案望

闕叩頭謝

恩於三月二十四日到任管事外伏念臣根器疎庸

學識駢淺備員瑣闥曾無入告之許謨承賈邊

關終鮮禦侮之長策雖驅馳積歲驚馬亦必知

途乃謾展寸籌短綆何當深汲豈期謏劣特荷

簡綸前衛

京後護

陵非僅撫軍恤民之常職外援遼內維薊更當馭夷

制虜之交芬且閭里困於轉輸根本之動搖可

患而營伍空於徵調

堂與之捍衛安支此臣所以拜

命而心驚就職而虞隕者也惟是才有所限不難集

思廣益以少補靡及之懷心則無窮逝將竭智

畢謀以共奏于襄之效卽成敗利鈍未能逆睹

於將來而得失否臧敢不預籌於今日庶幾俯

撫薊疏稿

效涓埃以仰答

高厚於萬分一者耳臣無任戴

恩思奮惶恐感激之至

免借民兵餉銀疏

題爲兵餉積剩無多借取立見罄盡懇乞

聖明特

賜允免以重根本以消隱憂事項接戶部咨爲會議

雖定催解尚遲乞

允那借以救目前危急事內開外解因募兵借用過

多遂致遼餉不接查得灤漢二營歷年積有餉
省民兵銀兩借發六萬兩立等差官解部以接
遼餉等因夫遼餉告急太倉如洗外府積餘苟
可以濟一時之缺以救全遼之危急者臣何敢
吝惜而有它說哉惟是保河民兵銀兩先年原
係入衛薊鎮之兵至萬曆六年始募土著改徵
銀三萬九千六百二十八兩零卽如數給發灤
漢等營兵餉而額餉額兵並無餘羨迨至萬曆
十四年該巡關蘇御史

撫薊疏稿

三

題減額兵九百名歲省銀一萬二千兩以備打造
戰車邊臺器具火藥及鎮守操賞各官心紅紙
劄等費每年全解間有萬金贏積萬曆十九年
間又經閱視徂通政復減去兵四百一十四名
歲扣銀四千九百餘兩另解薊鎮餉司抵充年
例此又無從節省者也計自二十年以來除拖
欠外寸累銖積在庫之銀數已盈十餘萬矣無
奈三十八九兩年密鎮餉司因節年失計漕糧
腳價及馬騾行料溢於經制之額遂致軍士缺

糧飛矢鼓譟幾成大變當事者無計消弭議借
積剩民兵銀八萬兩以安一時反側迄今分文
不償雖經前任撫臣劉 嚴檄催取再三督責
然非餉司之安意逋欠實無銀以償前負也四
十年以前之積貯一旦已佐司農之匱乏矣邇
來邊塵不靖庚癸時呼酌盈濟虛東那西補重
鎮所恃以無恐者亦惟區區此銀是賴豈可扼
吭而盡奪之乎臣讀咨文借取之多隨行遵化
縣查其見在庫貯之銀僅七萬一千四百餘兩

撫薊疏稿

四

而本年應支兵餉等項該二萬八千三百餘兩
所剩者止四萬三千餘兩况薊門當遼左咽喉
之地自奴酋倡亂以來援兵之驛驛轉輸之轂
擊夫不息肩馬不停蹄困苦疲累之狀真有目
不忍見耳不忍聞者西自良涿東至山海一帶
驛遞逃竄十之四五矣雖多方撫恤加意調停
但驛遞額設錢糧有限經年應付無窮無米之
炊必難責之於巧婦臣拜

命之日卽與各道虛心計議必得破格協濟方可苟